

Na osnovu člana 27. Statuta Udruženja Asocijacija izvođača i svirača "AIS-a", Skupština Udruženja na svojoj sjednici održanoj 10.11.2021. godine, donosi

**PRAVILNIK  
O IZRADI, UPOTREBI, ČUVANJU I UNIŠTAVANJU PEČATA  
I OPŠTE ODREDBE**

ASOCIJACIJA IZVOĐAČA I SVIRAČA "AIS-A"  
UDRUŽENJE ZA VEŠTAČENJE I  
7709 Datum 22.11.21

**Član 1**

Ovim Pravilnikom se uređuje način čuvanja, upotrebe i uništavanja pečata u Udruženju. Asocijacija izvođača i svirača "AIS-a" (u daljem tekstu Udruženje) koji se koriste u vršenju poslova iz svog djelokruga, a čija sadržina i oblik utvrđuju u skladu sa Statutom.

**Član 2.**

Pečatom se utvrđuje autentičnost dokumenata kojim se službeno komunicira sa drugim organima, pravnim licima, korisnicima članovima i građanima.

**Član 3**

(I) Udruženje ima pečat okruglog oblika, promjera 30 mm, na čijem gornjem rubu je ispisan tekst punog naziva Udruženja na bosanskom jeziku, latiničnim i ćirilničnim pismom: "ASOCIJACIJA IZVOĐAČA I SVIRAČA, АСОЦИЈАЦИЈА ИЗВОЂАЧА И СВІРАЧА". U donjem dijelu pečata je upisano sjedište Udruženja: Vogošća, a u sredini pečata se nalazi znak Udruženja.

(II) Udruženje može imati više pečata, s tim što svaki mora biti numerisan brojevima. Za izradu, čuvanje i upotrebu pečata Udruženja, zadužen je i odgovoran predsjednik Upravnog odbora Udruženja.

(III) Udruženje ima svoj znak. Znak Udruženja predstavlja skraćeni naziv Udruženja - "AIS", čija su prva dva slova A i I, ispisana velikim štampanim slovima crne boje, dok je slovo S, sastavljeno od dvije stilizirane note, crne boje.

(IV) Udruženje ima svoj štambilj koji je pravougaonog oblika, dimenzija 50x25 mm, i sadrži puni naziv Udruženja ASOCIJACIJA IZVOĐAČA I SVIRAČA, kao i rubriku za upisivanje broja i datuma.

Udruženje ima pečat koji svojim ovlastima iz Statuta Udruženja koristi direktor Stručne službe.

Udruženje može imati i još jedan pečat sa brojem koji odredi Upravni odbor Udruženja koji svojim ovlastima koristi osoba za zastupanje u pravnom prometu u skladu sa Statutom Udruženja.

Predsjednik UO i direktor Stručne službe, će ovlastiti osobu ili osobe za korištenje pečata ukoliko to bude bilo potrebno.

## **II UPOTREBA PEČATA**

**Član 4.**

O izradi pečata i njegovoj upotrebi odlučuje Upravni odbor.

**Član 5.**

Pečat se stavlja sa lijeve strane pored potpisa ovlaštenog lica za potpisivanje službenog akta, ako Zakonom ili drugim propisom nije drugačije određeno.

**Član 6.**

Pečatom može rukovoditi i upotrebljavati ga samo ovlašteno službeno lice, i to samo u svrhe određene Zakonom i drugim propisima.

Predsjednik Upravnog odbora može u pismenoj formi ovlastiti zamjenika, člana ili sekretara da čuva i upotrebljava pečat.

Direktor Stručne službe može u pisanoj formi ovlastiti uposlenika Stručne službe da čuva i upotrebljava pečat.

Pismeno ovlaštenje treba da bude jasno u smislu korištenja pečata.

O primopredaji pečata sastavlja se zapisnik.

## **III ČUVANJE PEČATA**

Pečati se čuvaju i upotrebljavaju u službenim prostorijama Udruženja. Pečati se čuvaju u sefu ili na drugom mjestu koje se može zaključiti.

## **IV. EVIDENCIJA O IZRADENIM PEČATIMA**

**Član 7.**

Evidenciju svih izradenih, uništenih ili nestalih pečata koji su izradeni za potrebe Udruženja vodi Upravni odbor.

## **V. UNIŠTAVANJE PEČATA**

**Član 8.**

Pečat koji je zbog istrošenosti ili zbog drugih razloga postao neupotrebljiv, mora se odmah uništiti o čemu se stara Upravni odbor. Smatra se da je pečat zbog istrošenosti neupotrebljiv ako se iz otiska jasno ne vidi tekst koji treba da je otisak pečata. Pečat koji treba uništiti će se uništiti komisijski i o tome se sačinjava zapisnik.

## VI NESTANAK PEČATA

### Član 9.

O nestanku pečata lice zaduženo i ovlašteno za upotrebu pečata dužno je pismeno obavijestiti predsjednika Upravnog odbora i direktora Stručne službe.

Nestanak pečata mora se odmah prijaviti organima Udruženja u slučaju kasnijeg pronalaska istog, taj pečat se uništava. Novi pečat mora biti posebno označen brojem.

### Član 10.

Danom donošenja ovog pravilnika, prestaje da važi Pravilnik o izradi, upotrebi i čuvanju pečata broj:PI-05/16 od 30.06.2016. godine.

Broj:SK P3-05/21

Vogošća, 10.11.2021. godine

AIS



  
Danir Bečić, zamjenik predsjednika Skupštine